

道德經述義

序說

太上無言以關尹之言而有言故其言常
若有所不得已然既言之則必欲人之聞
而信之故其情懇懇款款又不啻再三以
示第言之而意有不能盡詞有不能宣則
或正言之寓言之反復牽類廣博以言之

唯欲人之即其詞審其意而有以得夫不
言之隱則誠教之本也顧不熟而復之引
而通之則又不足以知其微意之所在而
以其言為權謀術數之所宗師者有矣不
知其言皆修身之要造化之端明天人之
奧通往復之機大而天地陰陽不能外細

而民生物類不能遺故常包古今彌宇宙
舉自昔聖帝明王以及亂流之末治無不
一言以賅通之吾性吾命之宗又無不自
相脗合而並非沾沾以言治也故其書為
大道之樞機其言即易之兩畫與夫彖象
十翼而又自有而之無者以歸之於易之

太極讀者誠即其意而通之則昭昭揭日月而行而豈束於耳目之近者徒未觀夫大道之極哉故其事與天地並其功與造化俱而其言有非達於性命之精者不能通其奧也是則

太上不言之隱與夫關尹請言之意而余

必斤斤以為天下萬世告者凡亦以此時
歲在乙亥三月望日壬寅清陽子記



太上

我

上篇 道經

道可道非常道。名可名非常名。無有無亦名。天地之始。有名。萬

物之母。故常無有無又各欲以觀其妙。常有欲以觀其徼。徼即

大道無名。物生於有。此章言道之體。

此兩字同出同出而異名。同謂之玄。玄之又玄。衆妙之門。

又玄者道

○天下知美之為美。美以斯惡已。皆知善之為善。善以斯不

善已。

美惡皆生於有有則二

故有無相生難易相成長短相形高下相傾音聲相和前後相隨。

一 無窮

是以聖人處無為之事行不言之教。

聖人返之於一渾之於無

萬物作焉而不辭生而不有為而不恃功成而弗居。

四者春夏秋冬之事

夫惟弗居是以不去

坎取

不去常存。寥寥數語大旨已揭下皆即此而申之

○不尚賢使民不爭。不貴難得之貨使民不為盜。不見可欲使

心不亂。是以聖人之治。虛其心。乾實其腹。坤法弱其志。坎強其骨。

天下不過理欲二端理亦為欲虛心實腹凡事皆然

常使民無知無欲使夫知者不敢為也。為無為則無不治。

知欲心之二端知而不為則又於一民亦凡物皆是

○道沖而用之或不盈淵兮似萬物之宗。

沖字一讀一字揭道之旨

挫其銳。火不揚解其紛。木不和和其光。金不耀同其塵。土不虛湛兮似若

存。太乙常員

此火木金土之事湛則反之於天一

吾不知誰之子象帝之先。子復歸母

帝先道也

右第一章

天地不仁。以萬物為芻狗。聖人不仁。以百姓為芻狗。

不仁言無沾滯也。此章明道之用。

天地之間。其猶橐籥。凡物皆然乎。虛而不屈。動而愈出。

有物在中其應不窮

多言數窮不如守中。

多必窮中者一

○谷神不死。谷中有神是謂玄牝。

以谷神為之主谷者虛中之義

玄牝之門是謂天地根

天地所由以生

綿綿若存用之不勤。

綿綿言其功用勤則勞勞則匱

○天長地久。天地所以能長且久者。以其不自生。故能長生。
長生者不死。

是以聖人後其身。

不自

而身先。外其身。

不自

而身存。非以其無

私耶。故能成其私。

後其身外其身皆虛中之義。虛中自久。

○上善若水。水善利萬物而不爭。處衆人之所惡。故幾於道。

下以水言之。水者天一所生得之最先。故可以為物始。

可以喻道用入之所惡下也。

居善地。心善淵。與善仁。言善信。政善治。事善能。動善時。

數者以水言之而不專言水

夫惟不爭故無尤

不爭者善下

○持而盈之不如其已。揣而銳之不可長保。

又承上言

金玉滿堂莫之能守。富貴而驕自貽其咎。功成名遂身退天之

道。三字
統結

三事皆盈滿之患上章即用以明體此章即體以為用

右第二章

載營魄抱一能無離。營魄人之精氣也

此章言人之反己自修也存其固有

專氣致柔能嬰兒

養其真醇

滌除玄覽能無疵

虛中無物

愛民治國我身即能無為

與化為體

天門開闔能無雌

真一不二

明白四達能無知。

與道大純

生之蓄之二化三返一生而不有為而不恃長而不宰是謂玄德。

四語又即其始終以言之

○三十輻共一轂當其無有車之用。埏埴以為器當其無有器之用。鑿戶牖以為室當其無有室之用。故有之以為利無之以為用。

此言無也

○五色令人目盲。五音令人耳聾。五味令人口爽。馳騁田獵令人心發狂。外逐於難得之貨令人行妨。有欲於是以聖人為腹不為目。故去彼取此。

設言有也。為腹不為目。去華崇實之謂。

○寵辱若驚。貴大患若身。

寵辱在外者。身在内者。

何謂寵辱若驚。寵為下。獲者末節得之若驚。失之若驚。是謂寵辱若

驚。

何謂貴大患若身。吾所以有大患者。為吾有身。及吾無身。吾有

何患。

人之有患皆以有身

故貴以身為天下者。以之為貴則可寄於天下。愛以身為天下者。惜愛

其乃可以託於天下。

上二句外其身而身存。下二句後其身而身先。

○視之不見名曰夷。聽之不聞名曰希。搏之不得名曰微。此三者不可致詰。故混而為一。

三者皆無無反為一

其上不繳。其下不昧。

究不終無

繩繩分不可名。復歸於無物。

繩繩不可絕之意。復歸於無。無中自有下文恍惚是也。是謂無狀之狀。無象之象。是謂恍惚。

名為恍惚而實的確

迎之不見其首。隨之不見其後。

道無緣起亦無終止

執古之道。以御今之有。能知古始。是謂道紀。

古即玄也

○古之善為士者。微妙通玄。深不可識。

舉古以示之則

夫惟不可識。故強為之容。豫兮若冬涉川。

川不易涉

猶兮若畏四鄰。

四鄰可畏

儼兮其若容。渙兮若冰之將釋。敦兮其若樸。曠兮其若谷。渾兮其若濁。

容不為主。若谷虛也。若濁渾也。

孰能濁以止。靜之徐清。二徐字妙孰能安以久。動之徐生。

止於濁久於清。靜中有動。

保此道者不欲盈。夫惟不盈。故能敝不新成。即不為物始也義

三句三義

○致虛極。守靜篤。

此言其致功所在

萬物並作。吾以觀其復。

六為此

夫物芸芸。各歸其根。歸根曰靜。

靜曰復命。復命曰常。知常曰明。不知常，妄作凶。

知常容。容乃公。公乃王。王乃天。天乃道。道乃久。沒身止言不死。

沒身者化

王者宰制萬物。此章言修身而不止為修身也。

右第三章

太上。下知有之。其人具足其次。親之。譽之。其次。畏之。其次。侮之。故信不足。

此章言道散於樸。惟渾乃全。下因言其致用之方。

焉有不信。猶今其責言。功成事遂。百姓皆謂我自然。

言既不信則無可言必也功成事遂而一皆自然夫是
乃真謂道舊註匪是

○大道廢有仁義智慧出有大偽。

六親不和有孝慈國家昏亂有忠臣。

皆後起之名

○絕聖棄智其始於此民利百倍。

絕仁棄義民復孝慈

絕巧棄利盜賊無有

極後起之弊至盜賊而信

此三者以為文不足。故令有所屬。見素抱樸。少私寡欲。三者皆文之不足。

○絕學無憂。

絕學即上三說也。

唯之與阿相去幾何。善之與惡相去何若。

唯阿皆應物之詞。言有分別之患。

人之所畏不可不畏。

惟人之所畏則不可不畏。可畏者生死也。

荒兮其未央哉。

言無盡意

衆人熙熙如享太牢。如登春臺。我獨泊兮其未兆。如嬰兒之未孩。

衆人知畏而不知避

乘乘兮若無所歸。

駕而不往

衆人皆有餘我獨若遺我愚人之心也哉。沌沌兮。

俗人昭昭我獨若昏俗人察察我獨悶悶。

忽兮其若海漂兮若無所止衆人皆有以我獨頑且鄙我獨異

於人而貴食母。

食母者歸根

。孔德之容唯道是從。

下乃言其容

道之為物。惟恍惟惚。惚兮恍兮。其中有象。恍兮惚兮。其中有物。窈兮冥兮。其中有精。

恍惚真象

其精甚真。其中有信。

玄機已洩。識者其誰

自。古。及。今。其。名。不。去。以。閱。衆。甫。吾。何。以。知。衆。甫。之。然。哉。以。此。造。化。根。茲。誰。能。去。此。至。此。則。不。獨。為。衆。母。抑。且。為。衆。父。矣。甫。即。父。也。

○曲則全。枉則直。窪則盈。弊則新。少則得。多則失。是以聖人抱一以為天下式。

下言致用之方

不自見。故明。不自是。故彰。不自伐。故有功。不自矜。故長。夫惟不爭。故天下莫與之爭。

古之所謂曲則全者。豈虛言哉。誠全而歸之。

上二言結上末語起下

○希言自然

希言者無言

飄風不終朝。驟雨不終日。孰為此者。天地。天地尚不能久。而況於人乎。

借風雨以言之

故從事於道者。道者同於道。德者同於德。失者同於失。何古同不然於道者。道亦樂得之。同於德者。德亦樂得之。同於失者。失亦樂得之。信不足焉。有不信焉。

凡事一任自然不此之信則必不信

○跂者不立跨者不行自見者不明自是者不彰自伐者無功
自矜者不長

譬猶跂者之不立跨者之不行也下皆不信之咎

其於道也餘食贅行物或惡之故有道者不處也

自然何有

右第四章

有物混成先天地生

下提道再言納體於用亦即用為體

寂兮寥兮。獨立而不改。周行而不殆。可以為天下母。
吾不知其名字之曰道。強為之名曰大道。大曰逝。逝曰遠。遠曰
反。

三則復

故道大。天大地大。王亦大。域中有四大。而王居其一焉。人法地。
地法天。天法道。道法自然。

四大一涵三王即人也。人為天地心。

○重為輕根。靜為躁君。

即法地之義

是以聖人終日行不離輜重。雖有榮觀。燕處超然。

奈何萬乘之主。而以身輕天下。輕則失臣。躁則失君。

萬乘心君也。失臣無以安下。失君無以奉上。

○善行無轍迹。善言無瑕謫。善計不籌策。善閉無關鍵。而不可開。善結無繩約。而不可解。

若善行者則不然。

是以聖人常善救人。故無棄人。常善救物。故無棄物。是謂襲明。

襲明者。因其自然。

故善人者。不善人之師。不善人者。善人之資。

道相為用

不貴其師。不愛其資。雖智大迷。是謂要妙。

要妙者。知其妙。得其要。下文皆是。

○知其雄。守其雌。為天下谿。為天下式。常德不離。復歸於嬰兒。
知其白。守其黑。為天下式。常德不忒。復歸於無極。知
其榮。守其辱。為天下谷。為天下常德乃足。復歸於樸。

上納體於用

樸散而為器。聖人用之。則為官長。故大制不割。

下即用以為體。官長分治之名。不割則仍渾之為一。

○將欲取天下而為之吾見其不得已

不得已者無為

天下神器不可為也為者敗之執者失之

神不可測

故物或行或隨或隨或噓或吹或強或贏或載或隳是以聖人去甚去奢去泰

八端皆其自然三去因其固有運用之妙存乎一心觀
物之情藏於不測

○以道治人主者不以兵強天下其事好還

洞
語

兵者凶事強非自然

師之所處荆棘生焉大軍之後必有凶年。

和氣不處

故善者果而已不可以取強。

果者還其固有

果而勿矜果而勿伐果而勿驕果而不得已果而勿強。

一皆自然何多之有

物壯則老是謂不道不道早已。

壯即強也

○夫佳兵者不祥之器物。或惡之。故有道者不處。

兵者禁暴除亂。凡去私勝欲。皆是。

是以君子居則貴左。用兵則貴右。兵者不祥之器。非君子之器。不得已而用之。恬澹為上。勝而不美。而美之者。是樂殺人。夫樂殺人者。不可得志於天下矣。天下不歸故吉事尚左。凶事尚右。偏將軍居左。上將軍居右。居上勢則以喪禮處之。殺人衆多以悲哀泣之。戰勝則以喪禮處之。

恬澹為宗

○道常無名。樸雖小。天下不敢臣。侯王若能守。萬物將自賓。

承上言道本自然。惟萬物自實則圓。無待於兵也。

天地相合。以降甘露。

驗之吾身而信

人莫之令而自均。

甘露亦皆自然。而然太和洋溢之所充周。

始制有名。名亦既有。夫亦將知止。知止所以不殆。

既出為用。用各有止。

譬道之在天下。猶川谷之於江海也。

物無不歸。

○ 知人者智。自知者明。勝人者有力。自勝者強。

所貴反觀實踐。

知足者富強行者有志不失其所者久死而不亡者壽

貞固不二則與斯道之混成者如一矣

右第五章

大道汎汎兮今其可左右

此章言道無定名而有常勝終則歸之於一。下章因言致之道。

萬物恃之以生而不辭功成不名有。

此就道之本體言

愛養萬物而不為主故常無欲可名於小萬物歸焉而不知王

可名於大。是以聖人終不為大。故能成其大。

大以小為基

○執大象何象天下往。

大而能容

往而不害何往安平泰。

物得其所

樂與餌。過客止。何止道之出口。忽又淡乎其無味。視之不足見。聽

之不足聞。用之不可既。

能養能畜而又寂然而無宗。浩乎其不可窮。

○將欲喻之一試驗之必固張之。將欲弱之必固強之。將欲廢之必固興之。將欲奪之必固與之。是謂微明。

八者自然而然動靜之道。屈伸往來之理。認為權術者。非也。故曰微明微明者機也。

柔勝剛。弱勝強。

又歸於其本以言之。

魚不可脫於淵。國之利器不可以示人。

魚以淵為道。利器道之用。

○道常無為而無不為。

以上八者亦若是也已

侯王若能守萬物將自化。化而欲作。吾將鎮之以無名之樸。

此歸於無

無名之樸亦將不欲。不欲以靜。天下將自正。

自然常靜

右第六章以上言道以下論德

下篇 德經

上德不德是以有德。下德不失德是以無德。

此章言人之反德而合道也

上德無為而無以為。下德為之而有以為。上仁為之而無以為。上義為之而有以為。上禮為之而莫之應。則攘臂而仍之。

德仁義禮之用其辨甚微

故失道而後德。失德而後仁。失仁而後義。失義而後禮。夫禮者忠信之薄而亂之首也。

數言非毀仁義與禮也。其先後之序如是。

前識者道之華而愚之始也。

前識即智

是以大丈夫處其厚不居其薄。處其實不居其華。故去彼取此。

言反樸也

○昔之得一者。天得一以清。地得一以寧。神得一以靈。谷得一以盈。萬物得一以生。侯王得一以為天下貞。

樸者一一即道

其致之一也。天無以清將恐裂。地無以寧將恐發。神無以靈將恐歇。谷無以盈將恐竭。萬物無以生將恐滅。侯王無以為貞而貴高將恐蹶。

言致一之故。數者間不容髮。天地萬物即人皆具

故貴以賤為本。高以下為基。

皆致一之用

是以侯王自稱孤寡不穀。此其以賤為本耶。非乎。

大小多少其數不誣

故致數車無車。不欲琖琖如玉。落落如石。

致數車無車言一也。琖琖如玉落落如石則不一矣。

○反者道之動。弱者道之用。

不動何反弱即下也。

天下萬物生於有。有生於無。

無為道本

。上士聞道。勤而行之。中士聞道。若存若亡。下士聞道。大笑之。不笑不足以為道。

道唯上士能行

故建言者有之

舉古以言

明道若昧。進道若退。夷道若類。

道無道

上德若谷。大白若辱。廣德若不足。建德若偷。質貞若渝。

德無德

大方無隅。大器晚成。大音希聲。大象無形。

類言凡物之大者

道隱無名。夫惟道善貸且成。

惟道則隱而無名。更其至尚善貸且成。則又體物而不可遺也。下章言體物之事。

右第七章

和。道生一。一生二。二生三。三生萬物。萬物負陰而抱陽。沖氣以

此章言道以沖虛為用。其行之以謙以柔。以不欲不欲。

之欲自然常足萬物皆生於有而始於無聖人之所命
為教君子之所取為學理如是也

人之所惡唯孤寡不穀而王公以為稱

匪謙耶

故物或損之而益或益之而損

物理自然

人之所教我亦教之強梁者不得其死吾將以為教父天下之
至柔馳騁天下之至堅無有入無間吾是以知無為之有益

匪柔耶

不言之教。無為之益。天下希及之。

約而歸之。皆無也。

。名與身孰親。身與貨孰多。得與亡孰病。

舉欲之端

甚愛必大費。多藏必厚亡。知足不辱。知止不殆。可以長久。

甚欲之害

。大成若缺。其用不敝。大盈若沖。其用不窮。

能謙

大直若屈。大巧若拙。大辯若訥。

能柔

躁勝寒靜勝熱清靜為天下正

能不欲其於道也固幾矣

○天下有道却走馬以糞天下無道戎馬生於郊

馬行前而糞遺後其事而忘道亦如是

罪莫大於可欲禍莫大於不知足咎莫大於欲得故知足之足常足

申言多欲之害

○不出戶知天下不窺牖見天道其出彌遠其知彌少

自反常足

是以聖人不行而知。不見而名。不為而成。

常足之故

○為學日益。為道日損。損之又損。以至於無為。無為而無不為。
結明上文以見聖人之所以必以無為貴也

故取天下常以無事。及其有事。不足以取天下。

取得而有之之謂

○聖人無常心。以百姓之心為心。善者吾善之。不善者吾亦善之。德善矣。信者吾信之。不信者吾亦信之。德信矣。

人各一心心各一道

聖人之在天下。慄慄為天下。渾其心。百姓皆注其耳目。聖人皆孩之。

渾則無無則復歸於道。耳目之用皆所不事。

右第八章

出生入死。生之徒十有三。死之徒十有三。人之生動之死地亦十有三。

三即三三大道。此章言攝生以德。

夫尚以故。以其生生之厚。

生生者不生

蓋聞善攝生者。陸行不遇兕虎。入軍不避甲兵。兕無所投其角。虎無所措其爪。兵無所容其刃。夫何以故。以其無死地。

有以自勝

○道生之。德畜之。物形之。勢成之。是以萬物莫不尊道而貴德。此其所以無死之故。

道之尊。德之貴。夫莫之爵而常自然。

自然故妙

故道生之。德畜之。長之育之。成之熟之。養之覆之。生而不有。為

而不恃長而不宰。是謂玄德。

更詳言之

○天下有始。以為天下母。

重提道以申明之

既得其母。以知其子。既知其子。復守其母。沒身不殆。

子所生者。此攝之之要

塞其兌。閉其門。終身不勤。開其兌。濟其事。終身不救。

此攝之之權

見小曰明。守柔曰強。用其光。復歸其明。無遺身殃。是謂襲常。

又摘其機以示之不常則殃

○使我介然有知行於大道惟施是畏。

施則死畏孰甚焉

大道甚夷而民好徑

小知穿鑿

朝甚除之可危至田甚蕪倉甚虛服文綵帶利劍厭飲食財貨有餘。

是謂盜竽非道也哉

皆務施之類

○善建者不拔善抱者不脫子孫祭祀不輟不令自致

得則常存

修之於身。其德乃真。修之於家。其德乃餘。修之於鄉。其德乃長。修之於邦。其德乃豐。修之於天下。其德乃普。

時時內顧。在在全真。

故以身觀身。以家觀家。以鄉觀鄉。以邦觀邦。以天下觀天下。吾何以知天下之然哉。以此。

其理不二

○含德之厚。比於赤子。

以赤子言之。赤子一任自然。

毒蟲不螫。猛獸不據。攫鳥不搏。

與物無競。

骨弱筋柔而握固。未知牝牡之合而峻作。精之至也。終日號而
嗑不嘎。和之至也。

得天之全。

知和曰常。知常曰明。益生曰祥。

生則惡可已。

心使氣曰強。物壯則老。謂之不道。不道早已。

其反是者必害。

○知者不言。言者不知。塞其兌。閉其門。挫其銳。解其紛。和其光。同其塵。是謂玄同。

默而識之。以成其行。此中須確有把握處。

故不可得而親。亦不可得而疎。不可得而利。亦不可得而害。不可得而貴。亦不可得而賤。故為天下貴。

其事渾全

○以正治國。以奇得奇非已用兵。以無事取天下。

「言用之之法

吾何以知其然哉。以此天下多忌諱。而民彌貧。民多利器。國家

滋昏人多伎巧。奇物滋起。法令滋彰。盜賊滋有。

皆生於有之故。此四者亦仁義禮智之患。

故聖人云。我無為而民自化。我好靜而民自正。我無事而民自富。我無欲而民自樸。

四者與上正反

其政悶悶。其民醇醇。其政察察。其民缺缺。禍兮福之所倚。福兮禍之所伏。孰知其極。其無正耶。正復為奇。善復為妖。人之迷。其日固久。

反正相尋。孰知其極。唯有道者。

是以聖人方而不割。廉而不剝。直而不肆。光而不耀。

所謂用兵者此耳。四者亦土金木火之事。備其體不極其用。

○治人事天莫若嗇。夫惟嗇是謂早服。早服謂之重積德。重積德則無不尅。無不尅則莫知其極。莫知其極可以有國。有國之母可以長久。

此言養之之要有國。即有身尤貴得其母。

是謂深根固蒂。長生久視之道。

為揭明之。

右第九章

治大國。若烹小鮮。以道涖天下。其鬼不神。

下言治身之事。烹小鮮不撓之天下。即身也。凡陰皆鬼。非其鬼不神。其神不傷人。非其神不傷人。聖人亦不傷人。夫惟兩不傷。故德交歸焉。

言無所用其伎

○大國者下流。天下之交。天下之牝。牝常以靜勝牡。以靜為下。
下流能容

故大國以下小國。則取小國。小國以下大國。則取大國。

就大國言之

故或下取或下而取

重言以申

大國不過欲兼畜人。小國不過欲入事人。夫兩者各得其所欲。故大者宜為下。

意專在大數語極物之情窮物之變天下之理未有外是者

○道者萬物之奧。善人之寶。不善人之所保。美言可以市。尊行可以加。人人之不善何棄之有。

道妙無窮。夫六板皆性。美言可市。尊行可加。則無不可入於善。

故立天子。置三公。雖有拱壁。以先駟馬。不如坐進此道。

道至貴也。

古之所以貴此道者。何也不曰求以得有罪。以免耶。故為天下貴。

茲其所以為萬物與。

○為無為事。無事味無味。大小多少。報怨以德。

性命之精。非此不盡。天地之化。

非此不全

報怨以德一視同仁以下正言道妙

圖難於其易為大於其細。天下難事必作於易。天下大事必作於細。是以聖人終不為大。故能成其大。夫輕諾必寡信。多易必多難。是以聖人猶難之。故終無難。

其為之則有本

○其安易持。其未兆易謀。其脆易破。其微易散。為之於未有。治之於未亂。

所謂易者兆於幾先

合抱之木。生於毫末。九層之臺。起於累土。千里之行。始於足下。

為者敗之。執者失之。是以聖人無為故無敗。無執故無失。

所謂細者萌於方始

民之從事常於幾成而敗之。慎終如始則無敗事。

又要其終始以言之

是以聖人欲不欲。不貴難得之貨。學不學。復衆人之所過。以輔萬物之自然而不敢為。

數言皆無為之要

○古之善為道者。非以明民。將以愚之。

下即治以言之。愚者使返自然。

民之難治以其智多。故以智治國。國之賊。

疊出為勝

不以智治國。國之福。能知兩者亦楷式。能知楷式。是謂玄德。玄德深矣。遠矣。與物反矣。乃至於大順。

大順法地。地法天。天法道。

○江海所以能為百谷王者。以其善下之。故能為百谷王。是以聖人欲上民。必以言下之。欲先民。必以身後之。

大國下流之義止此

是以聖人處上而民不重。以不處前而民不害。以不是以天下

擾故

誘故

樂推而不厭以其不爭故天下莫能與之爭。

心不為物害故可為身君

右第十章

天下皆謂我大似不肖夫惟大故似不肖若肖久矣其細也夫。
此章即已以言衆人之見固自不同

我有三寶持而寶之一曰慈二曰儉三曰不敢為天下先夫慈故能勇儉故能廣不敢為天下先故能成器長

卜乃整肅以明之三者皆法地之事

今捨慈且勇捨儉且廣捨後且先死矣夫慈以戰則勝以守則

固。天將救之。以慈衛之。

死字急呼。此段後半先言慈而儉與不先在其中。

○善為士者不武。善戰者不怒。善勝敵者不爭。善用者為下。皆慈之意。

是謂不爭之德。是謂用人之德。是謂配天古之極。

善用之道如是。配天者法地。

○用兵有言。吾不敢為主而為客。不敢進寸而退尺。是謂行無行。攘無臂。仍無敵。執無兵。

即以兵言數者。皆能勇之事。而儉與不先可推。

禍莫大於輕敵。輕敵則幾喪吾寶。故抗兵相加。哀者勝矣。
又反言以明之。此言兵而不專言兵也。所寶維何。試細
思之。

○吾言甚易知。甚易行。天下莫能知。莫能行。

太上哀世之不知也。

言有宗事有君。夫惟無知。是以不我知。

有宗有君。所以易知易行之故。

知我者希。則我貴矣。是以聖人被褐懷玉。

非真自貴也。言道足重。被褐懷玉。不敢輕示於人。

○知不知上不知知病。

承上知言既知又欲忘

夫惟病病是以不病。聖人不病以其病病是以不病。

聖人忘知

○民不畏威大威至矣

承上病言大威死也

無狹其所居無厭其所生。夫惟不厭是以不厭。

此救死之道

是以聖人自知不自見自愛不自貴。故去彼取此。

聖人無死地。夫惟病病是以不病。

○勇於敢則殺。勇於不敢則活。此兩者或利或害。天之所惡。孰知其故。是以聖人猶難之。

就前更深言之。兩者皆惡。則聖人猶難。惟舉而一歸之自然。則無智名。無勇功。而可與道大適也。

天之道不爭而善勝。不言而善應。不召而自來。繹然而善謀。

即天以示

天網恢恢。疎而不失。

大無有失。

○民不畏死奈何以死懼之。

下言人為之失死者民所自趨

若使民常畏死而為奇者吾得執而殺之孰敢

道常無奇

常有司殺者殺。

物不極不反司殺者天

夫代司殺者殺。是謂代大匠斲。夫代大匠斲者希有不傷其手者矣。

○民之饑以其上食稅之多。是以饑。民之難治以其上之有為。

是以難治。

有為之害心為百體君凡身皆民也

民之輕死以其求生之厚。是以輕死。

雖借上三端以引起此端而義實相通。蓋上以侵害下
下必奪侵上

夫惟無以生為者。是賢於貴生。

上下皆治以上究言知行之事

○人之生也柔弱。其死也堅強。萬物草木之生也柔脆。其死也
枯槁。故堅強者死之徒。柔弱者生之徒。

柔弱乃生此又合上言慈儉也

是以兵強則不勝木強則共。強大處下。柔弱處上。

共者壅腫

○天之道其猶張弓乎

言其往來之機

高者抑之下者舉之。有餘者損之。不足者補之。天之道。損有餘而補不足。人之道則不然。損不足以奉有餘。孰能以有餘奉天下。惟有道者

大道自然人則有意損不足。向舉古今治法人情流弊

語道盡故天下惟道之為貴也

是以聖人為而不恃功成而不處其欲不見賢耶。

以柔以退

○天下柔弱莫過於水而攻堅强者莫之能勝其無以易之故
柔勝剛弱勝強天下莫不知莫能行是以聖人言受國之垢是
謂社稷主受國之不祥是謂天下玉正言若反。

即水言之正言若反言雖正言之而意若反也

○和大怨必有餘怨安可以為善。

正解上文

是以執左契而不責於人。故有德司契。無德司徹。

左陽也。司契先天。司徹後天。徹者轍也。

天道無親。常與善人。

二語徹上徹下

○小國寡民。

善保寡小為道之基

使有什伯人之器而不用。使民重死而不遠徙。雖有舟車。無所乘之。雖有甲兵。無所陳之。使民復結繩而用之。

養性

甘其食。美其服。安其居。樂其俗。

保命

鄰國相望。雞犬之聲相聞。民至老死不相往來。

使物各得其所。如此則與道幾矣。

右第十一章

信言不美。美言不信。善者不辯。辯者不善。知者不博。博者不知。
此章言著經之旨。不美者上質。不辯者貴默。不博者守

一

聖人不積。既以為人已愈有。既以與人已愈多。

不積言與物皆化愈有愈多則其應不窮
天之道利而不害聖人之道為而不爭

天道常勝聖德無為下篇德經終

右第十二章

